

ACORDO DE PRÓRROGA DO CONVENIO DE COLABORACIÓN ENTRE O SERVIZO GALEGO DE SAÚDE E O CONCELLO DE SAN CIBRAO DAS VIÑAS PARA A APERTURA DUN NOVO CONSULTORIO MÉDICO EN REBOREDO-CONCELLO DE SAN CIBRAO DAS VIÑAS

Na data da sinatura dixital,

INTERVEÑEN

Dunha parte, **don Antonio Gómez Caamaño**, conselleiro de Sanidade e presidente do Servizo Galego de Saúde, organismo autónomo adscrito á dita consellería, actuando en nome e representación deste último, no exercicio das facultades que lle veñen atribuídas no artigo 34 da Lei 1/1983, do 22 de febreiro, de normas reguladoras da Xunta e da súa Presidencia, e de conformidade co establecido no Decreto 145/2024, do 20 de maio, polo que se establece a estrutura orgánica do Servizo Galego de Saúde, na Lei 1/2016, do 18 de xaneiro, de transparencia e bo goberno, así como na Lei 40/2015, do 1 de outubro, de réxime xurídico do sector público.

E doutra parte, **dona Marta Novoa Iglesias**, actuando en nome e representación do Concello de San Cibrao das Viñas (CIF P3207600B), en virtude da súa condición de alcaldesa-presidenta da citada corporación, segundo o disposto no artigo 21.1 da Lei 7/1985, do 2 de abril, reguladora das bases de réxime local, o artigo 61.1 da Lei 5/1997, do 22 de xullo, de administración local de Galicia e o artigo 41.1 do Real decreto 2568/1986, do 28 de novembro, polo que se aproba o Regulamento de organización, funcionamento e réxime xurídico das entidades locais.

As partes intervenientes recoñécense capacidade legal para outorgar o presente convenio, e para estes efectos,

EXPOÑEN

1.- O 16 de outubro de 2024 formalizouse o Convenio de colaboración entre o Servizo Galego de Saúde e o Concello de San Cibrao das Viñas para a apertura dun novo consultorio médico en Reboredo-Concello de San Cibrao das Viñas.

O obxecto do convenio asinado é *"establecer as bases da colaboración entre o Servizo Galego de Saúde e o Concello de San Cibrao das Viñas para a adquisición e acondicionamento dun inmovible co fin de destinalo a consultorio médico.*

O citado inmovible localízase no baixo do edificio número 12 do Acceso ao Polígono de Reboredo, no Concello de San Cibrao das Viñas, a súa referencia catastral é 5927506NG9852N0021EO e conta cunha superficie útil de 336,68 m² (local) + 51,17 m² (atillo).

2.- Segundo a cláusula segunda do convenio, o Servizo Galego de Saúde, comprometeuse a:

"Financiar a adquisición do citado inmovible por parte do Concello de San Cibrao das Viñas, cun importe total de 214 500 € con cargo á aplicación orzamentaria 5001 412B 760.0, proxecto 2022 00001, na que existe crédito axeitado e suficiente.

A subvención comprenderá o valor de adquisición do ben inmovible máis o ive correspondente, ata a contía máxima total que se sinala no apartado anterior. O resto dos gastos correrán por conta do concello.

O Servizo Galego de Saúde non asume ningunha obriga nin compromiso de acondicionamento do espazo que se adquire."

3.- Segundo a cláusula terceira do convenio, o Concello de San Cibrao das Viñas, asumiu os seguintes compromisos:

1. Adquirir o inmovible identificado na cláusula primeira, sendo da súa conta os gastos derivados das operacións xurídicas que deriven da compravenda, sen prexuízo do previsto na cláusula segunda, así como levar a cabo as actuacións necesarias para a correcta execución das obras de acondicionamento co fin de destinalo a consultorio médico (redacción de documento técnico necesario para a execución das obras, licitación e execución destas).

2. Obter os permisos, autorizacións e acreditacións necesarias para executar as obras e destinar o inmovible a consultorio médico, cumprindo cos requirimentos necesarios para a súa autorización como centro sanitario.

3. Cumprir os requisitos para obter a condición de beneficiario establecidos no artigo 10 da Lei 9/2007, do 13 de xuño, de subvencións de Galicia.

4. Consonte o establecido no artigo 27.5 da Lei 9/2007, do 13 de xuño, o concello asume, na súa condición de beneficiario, a total responsabilidade ante o Servizo Galego de Saúde, da execución da actividade subvencionada. Tamén se compromete a requirirlle aos



contratistas a obriga de colaboración para o exercicio das funcións de control previstas no artigo 45 da citada lei.

5. Facilitar, se fose o caso, toda a información que lle sexa requirida pola Intervención Xeral da Comunidade Autónoma, polo Tribunal de Contas e polo Consello de Contas de Galicia no exercicio das súas funcións de fiscalización e control do destino das axudas obxecto do presente acordo.

6. Comunicar ao Servizo Galego de Saúde, se fose o caso, a alteración nas condicións tidas en conta para a concesión da axuda obxecto deste convenio e, en todo caso, a obtención concorrente de subvencións ou axudas outorgadas por outras administracións, entes públicos ou privados, nacionais ou internacionais para os efectos de propoñer, se procedera, a modificación das condicións establecidas neste convenio.

7. Comunicar ao Servizo Galego de Saúde a data de adquisición do inmovible e de recepción das obras para os efectos de que este envíe un representante se así o estima oportuno.

4.- A cláusula decimo primeira do citado convenio, relativa a súa vixencia, establece “O presente convenio entrará en vigor o día da súa sinatura e estenderá a súa vixencia ata o remate das obras de acondicionamento do inmovible e a posta en marcha do consultorio coa data límite, en todo caso, do 31 de decembro de 2025, podendo ser prorrogado, de conformidade co previsto no artigo 49 h) da Lei 40/2015, do 1 de outubro, por acordo unánime das partes.”

5.- Por escrito do 26 de novembro de 2025, o Concello de San Cibrao das Viñas comunica a imposibilidade de realizar as actuacións necesarias para a correcta execución das obras de acondicionamento co fin de destinar o inmovible a consultorio médico no prazo de vixencia do convenio, e solicita a súa prórroga ata o 31 de decembro de 2026.

Á vista do anterior, as partes

ACORDAN

Primeiro. Prorrogar expresamente o Convenio de colaboración entre o Servizo Galego de Saúde e o Concello de San Cibrao das Viñas para a apertura dun novo consultorio médico en Reboredo-Concello de San Cibrao das Viñas, ata o 31.12.2026.

Segundo. O resto das cláusulas contidas no convenio do 16 de outubro de 2024 permanecerán inalteradas.



E en proba de conformidade, formalízase a presente prórroga na data que consta na última das sinaturas dixitais, para a súa unión ao convenio entre o Servicio Galego de Saúde e o Concello de San Cibrao das Viñas, do asinado o 16 de outubro de 2024,

Polo Servicio Galego de Saúde

Polo Concello de San Cibrao das Viñas

Antonio Gómez Caamaño

Marta Novoa Iglesias

